

INUIT ATAQATIGIIT

INATSISARTUNI



Nuuk, 16. april 2013

Inatsisartut Suleriaasianni § 37 naapertorlugu Naalakkersuisunut imaattumik apeqquteqar-punga.

(Inatsisartuni ilaasortaq Sara Olsvig, Inuit Ataqatigiit)

Apeqqut:

Suliassat angisuut pillugit inatsit ILO-mi isumaqatigiissutitut 87-imut, 94-imut, 98-imut, 111-imut kiisalu 169-imut kalluaanersoq pillugu danskit suliffeqarnermut ministeeriaqarfiata inatsisitigut nalilersuisitsisimanerat Naalakkersuisut qanoq isumaqarfigivaat?

Tunngavilersuut:

Suliassat angisuut pillugit inatsit siuliani ILO-mi isumaqatigiissutitut taaneqareersunut naa-pertuunnersoq pillugu Kalaallit Nunatsinni aammalu Danmark-imi piffissami sivitsulersumi oqallittoqarpoq. Danskit Suliffeqarneq pillugu ministereqarfiat marts-ip qaammataani sam-mineqartoq pillugu inatsisitigut nassuiaammik saqqummiussaqqarpoq. Nassuiaammi qulaa-jarneqarpoq Suliassat angisuut pillugit inatsit ILO-mi isumaqatigiissutitut taaneqareersunut annertunerpaatigut eqquutsisisoq. Naalakkersuisulli arlaleriarlutik maannamut Suliassat angisuut pillugit inatsit allannortiterneqassasoq nalunaaruteqartareerput. Taamaammat Suliassat angisuut pillugit inatsit ILO-mi isumaqatigiissutitut arlalinnut attuumanerat pillugu qanoq Naalakkersuisunit naliliivigineqarnersoq tusagaqarfigissallugu soqutiginaasaaq.